

28. september 2016

UKA 2016/18

**Uuunga siunnersuut: Kalaallit oqartussaaffiit tunngatillugu pisortat ingerlatsinerat pillugu paasitinneqarsinnaatitaaneq pillugu inatsisip atortussanngortinneqarnera pillugu Kunngip Peqqussutaanut Namminersorlutik Oqartussat isumaqataanissaat pillugu Inatsisartut aalajangiiffisassa.**

(Naalakkersuisut Siulittaasuat)

Kalaallit oqartussaaffiit tunngatillugu pisortat ingerlatsinerat pillugu paasitinneqarsinnaatitaaneq pillugu inatsisip atortussanngortinneqarnera pillugu Kunngip Peqqussutaanut Namminersorlutik Oqartussat isumaqataanissaat pillugu Inatsisartut aalajangiiffisassaattut siunnersuut Siumumiit imaattumik naatsumillu oqaaseqarfigissavarput.

Siumumiit aallarniutigalugu nalunaarutigissavarput danskit oqartussat pisortaarfii/suliffeqarfiit naalagaaffiup oqartussaasuinut atortussanngortinneqarnissaa pissusissamisoortutut isigigatsigu. Taamaattoq apeqqutit akineqartariaqartutut isigisagut Siumumiit saqummiutlaassavagut aamma.

Nunatsinni najugalinnut naalagaaffiup pisortat suliffeqarfiutaannut ingerlatsinerami paasitinneqarsinnaanermut qanoq kalluaatigissanersoq Siumumiit apeqqutigissavarput.

Tassunga ilanngullugu illersornissamut isumaqatigiissut pillugu attuumassuteqartuni paasissutissanut tunngasunik danskit pisortaasa ingerlatsinerat pillugu paasitinneqarsinnaatitaaneq qanoq nunatsinni soqutigisallit paasitinneqarsinnaanerannut kalluaassanersoq nassuiaatigineqassasoq Siumumiit kaammattuutigaarput.

Danmarkimi inatsit 2014 aallarnerfigalugu atuutinneqarlersimasoq toqqammaviulluni pisortat ingerlatsinerat pillugu paasitinneqarsinnaatitaaneq pillugu inatsisip nunatsinni kunngip peqqussutaa aqqutigalugu atortussanngortinniarneqarnera Siumumiit taamaalilluta taperserparput, peqqussumillu atortuulersitsineq Kalaallit Nunaanni naalagaaffimmut oqartussaasunuinnaq sunniuteqartussaassaaq.

Siumumiit taamatut oqaaseqarluta aalajangiiffisassatut siunnersuut Inatsisip atortinneqarnerannut ataatsimiititaliami suliarineqartussanngorlugu innersuupparput.

Anders Olsen  
Siumut.